



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

Quo casu sufficiat auctoritas Episcopi in alienatione rei Ecclesiae. Cap. VIII.

urn:nbn:de:hbz:466:1-11401

pecunia non otiosa, sed fructifera, qualis est pecunia in montibus, vel censibus collocata *dem. exiui §. cumque annui redditus de ver. sign. Bonacin. vbi sup. nu. 5. & alij communiter.*

9 Obserua tamen, quod pecunia deputata ad bona immobilia emenda insumi potest absque assensu apostolico in emendis agris, aut in emenda, vel construenda domo necessaria, quia huiusmodi pecunia seruari solum debet, donec impendatur in usum, ad quem fuit destinata *Genues. d. cap. 60. num. 11. in fin. Bonacin. loco cit. n. 5. vers. obserua.*

10 An verò fructus beneficij locari possint ultra triennium? aliqui affirmant, tum quia fructus numerantur inter bona, quæ seruando seruari non possunt, tum etiam quia extrau. ambiciosæ videtur locum habere in locationibus bonorum, & rerum, non verò in locationibus fructuum, & reddituum ita *Redoan. Zerol. & alij apud Garc. de benef. par. 2. cap. 1. n. 29. & apud Barbof. d. all. 95. n. 19.*

Sed contraria sententia est verior, tum quia per locationem constituitur ius in re *Bellam dec. 747. Couar. var. res. lib. 2. cap. 16. n. 1. quos refert, & sequitur Ricc. in Prax. p. 1. res. 116* tum quia fructus percipiendi, & nascituri computari debent inter bona, quæ seruando seruari possunt, tum quia in extrau. ambiciosæ fit mentio etiam de fructibus ibi, ac de fructibus, & bonis ita *Nau. in man. cap. 25. n. 137. & cons. 11. de reb. eccles. Tolet. in sum. lib. 5. cap. 91. Ludou. Lopez In-*

*struct. cons. 1. tom. cap. 199. Cened. in collect. 76. ad Decret. n. 3. Gutier. Can. qq. lib. 1. cap. 8. à nu. 15. & alij plures apud Garc. d. par. 2. cap. 1. n. 33. & seq. Barbof. loco cit. alleg. 95. n. 20. idemque dicendum est de fructibus pensionis ecclesiastica, qui similiter ultra tres annos locari nequeunt *Nau. consil. 11. de reb. eccles. Ricc. in Prax. for. eccles. p. 1. resolutione 110.**

11 Secus esset, quando quis obligat se actione personali ad dandam commoditatem, & vtilitatem percipiendi fructus vita sua durante, vel tanto tempore ultra triennium, quia tunc non transfertur aliquod ius in re, sed tenetur dumtaxat exhibere conductori commoditatem percipiendi fructus *Bart. in l. Codicilis §. instituto nu. 4. ff. de leg. 2. Quarant. in ver. alienatio nu. 18. vers. tertio declaratur, vbi citat Rebuff. & Molin. & de pensione tradit. Megal. tom. 1. var. res. 84. nu. 7. Nau. cons. 62. de Simon. Garc. de benef. p. 2. cap. 1. n. 38. quamuis contrarium teneant alij Doctores, quos refert, & sequitur Ricc. in Prax. for. eccles. par. 1. res. 110.*

S V M M A R I V M.

- 1 Vincule exigua auctoritate Episcopi alienari possunt.
- 2 Quoad res exigui valoris sufficit auctoritas Episcopi in locatione ultra triennium.
- 3 An sufficiat auctoritas Vicarij Episcopi.
- 4 An pradium exiguum ecclesie vile possit absque assensu Papæ alienari.

- 5 Et an possit alienari inconsulto Papa modica pars magni praeij ecclesiae.
- 6 Quae censeantur res exigui valoris.
- 7 An in permutatione inter ipsas Ecclesias requiratur beneplacitū apostolicum, & num. 8.
- 9 An transactio de re ecclesiae possit fieri sine solemnitate. & nu. 10.
- 11 An Rector ecclesiae possit absq. solemnitate cedere actionem ad rem mobilem.
- 12 Et an possit facere compromissum.
- 13 Quid, si ecclesiae competit actio ad fundum, vel ad pecuniā alternatiuē.
- 14 An alienantes, vel recipientes res exigui valoris incidant in poenas d. extrau. Ambitiosa.

for. eccles. cap. 6. num. 26. & refertur etiam inter Decis. Divers. par. 4. dec. 149. ratio videtur esse, quia in d. Extrau. excipiuntur casus à iure permitti Genues. in Prax. Archiep. cap. 60. num. 3. Barbof. de offic. & pot. Episc. par. 3. all. 95. num. 50. vnde sufficit auctoritas Episcopi in locatione ultra triennium quoad res exigui valoris, Quarant. in ver. alienatio nu. 18. vers. secundò declaratur Ricc. in Prax. for. eccles. par. 1. res. 109. Barbof. loco cit. d. all. 95. num. 51. non tamen sufficeret auctoritas Vicarij, seu officialis Episcopi, nisi habeat speciale mandatum, ut decisum refert Ricc. in Collect. decis. 2201. par. 6. Secus dicendum est, quando praedium esset Ecclesiae utile, hoc enim casu licet sit exiguum, non tamen posset absque assensu sedis apostolicae alienari cap. 1. vbi glos. 17. q. 4. quemadmodum nec potest absq. beneplacito Papae alienari modica pars magni praeij ecclesiae, quia hoc modo possent paulatim alienari omnia praedia ecclesiae in fraudem legis Genues. d. cap. 60. nu. 3. in fin.

CAP. VIII.

Quo casu sufficiat auctoritas Episcopi in alienatione rei Ecclesiae.

§. I.

An in rebus exigui valoris sufficiat auctoritas Episcopi.

§. II.

Resp. affirmatiuè, & ideo vineolae exiguae, & ecclesiae minus utiles auctoritate Episcopi alienari possunt, cap. terrulas 12. q. 2. cuius dispositioni neque per dictam extrau. Ambitiose, neque per decretum Concilij derogatum fuit, ut censuit Sac. Congregatio Concilij teste Vulp. in Prax. Iudic.

Qua dicantur res modicae, seu exigui valoris.
Resp. quod quando valor rei, quae alienatur, summam 25. aureorum non excedit, solet pro pauca, aut modica summa reputari, ut censuit Sac. Cong. Episcoporum 22. Maij 1601. apud Glan. in ver. Alienantes nu. 7. sed alij Doctores id remittunt arbitrio Iudicis

ris, qui attendere debet consuetudinem locorum, & quantitatem rei, quæ alienatur iuxta cap. ceterum de Donat. item conditionem ecclesiæ, si est tenuis, vel multum abundans, & qualitatem temporum, & rerum Quarant. ubi supra nu. 41. Genouens. in Prax. d. cap. 60. num. 3. Ricc. in Prax. for. eccles. p. 1. ref. 36. vnde obseruat Barbof. d. par. 3. all. 95. nu. 51. quod modicum potest esse vsque ad 50. aureos, alibi vsq. ad 20. & alibi vsq. ad 10. & etiam minus respectu qualitatis, & conditionis locorum, & ecclesiarum.

§. III.

An in permutatione rerum vnus ecclesia cum bonis alterius ecclesie sufficiat decretum Episcopi.

7 **A**ffirmatiuè respondent Doctores apud Barbof. d. all. 95. num. 55. & seq. tum quia hic casus est à iure permissus in cap. 1. de Reb. eccles. alien. tum quia textus in d. extrau. Ambitiose videtur loqui de permutationibus faciendis cum laicis, vt colligitur ex illis verbis, *prophanis vsibus applicare*, & hoc casu non transfertur dominium in prophanos vsus, & ita etiam tenet Vulp. in Prax. for. eccles. cap. 6. num. 15. vbi dicit, validam tunc esse permutationem, si pro vtriusque ecclesiæ commoditate fiat Ricc. in Prax. for. eccles. par. 1. ref. 35. & 71. vbi hanc sententiam admittit etiam in alienatione rei vnus ecclesiæ alteri facta.

8 Sed quidquid sit de iure, contrarium in praxi seruetur, nam si agitur de summa notabili, recurritur pro licetia ad sedem apostolicam, vt d. Quarant. loc. cit. n. 15. Barbof. ubi sup. nu. 57. in fin. Ricc. d. ref. 35. & 71. in fin.

§. IV.

An transactio de re ecclesia possit fieri sine solemnitate.

9 **A**ffirmatiuè respondent Doctores, modò sit de re dubia, cum euidenti ecclesiæ vtilitate, & possessio non sit penes ecclesiam, nam si per transactionem ecclesia rem relaxaret, in cuius possessione existit, tunc proculdubio solemnitates requiruntur, vt post Rebuff. & Roland. d. Quarant. in ver. alienatio, numer. 43. vers. Duodecimò limita Ricc. in Collect. dec. 3054. par. 7. & in Prax. for. eccles. par. 1. ref. 43. & alij apud Barbof. d. all. 95. num. 63. quod intellige, dummodò accedat etiam consensus Episcopi, qui cognoscere debet de euidenti ecclesiæ vtilitate iuxta c. Statuimus de transact. alias huiusmodi transactio non ligaret successorem, vt d. glos. communiter recepta in cap. veniens ver. inter a ios eod. tit.

10 Alij verò distinguunt, aut agitur de modica summa, & tunc in transactione sufficit auctoritas Episcopi, aut agitur de summa notabili, & tunc requiritur beneplacitum sedis Apostolicæ, vt constat ex d. c. veniens. de Transact. & ita practi-

cari dicit Quarant. ubi sup. n. 43. in fin. presertim. si in huiusmodi transactione remittantur iura, & actiones ad immobilia Ricc. in Prax. for. eccl. p. 3. ref. 163. Barbos. d. p. 3. all. 95. n. 46. ubi cit. Menoc. Valasc. & alios.

- 11 Ex quo resoluitur aliud dubium, an Rector ecclesie possit cedere actionem ad rem mobilem? in quo pariter distinguendum est, nam si huiusmodi actio competit ad rem mobilem, quae seruando seruari non potest, tunc Rector potest actionem cedere, quemadmodum posset rem ipsam distrahere: aut verò actio competit ad res mobiles, quae seruando seruari possunt, & tunc non potest absque beneplacito sedis Apostolicae, modò sint notabilis valoris Ricc. in Prax. par. 3. ref. 163.
- 12 Idem dicendum de compromisso, nam si illud fiat de rebus immobilibus, vel quae seruando seruari possunt, non valet sine sedis apostolicae beneplacito, quia compromissum est species alienationis: secus si fiat de rebus, quae seruando seruari non possunt iuxta ea, quae supra diximus, & notat idem Ricc. in Prax. d. p. 3. ref. 165.
- 13 Sed quid, si ecclesiae competit actio ad fundum, vel ad pecuniam alternativè? Resp. quod aut electio est ipsius ecclesiae, & tunc sine licentia sedis apostolicae non potest ecclesia cedere, ac si ipsa actio ad immobilem peteret: vel electio est debitoris, & tunc inspiciendus est finis, nam si ecclesiae debitor soluet pecuniam, valet cessio, si verò consignet praedium, non valet, Birt. in l. si sic legatum §. ult. n. 6. ff. de leg. 1. & in l. si ex legati causa

nu. 6. ff. de verbor. oblig. idem Ricc. loca cit. d. ref. 163. ubi alios refert.

S. V.

An Alienantes, vel recipientes res exigui valoris incidant in censuras, & poenas extr. ambitiosa.

- 14 **R**esp. negativè, quia cum d. extr. sanciverit poenas, & censuras contra alienantes res ecclesiasticas maioris valoris inconsulto Rom. Pont. non debet extendi ad bona exigui valoris, poenae enim sunt restringendae, non ampliandae ita Ricc. in Prax. for. eccl. p. 2. ref. 383.
- S V M A R I V M.
- 1 Reus confugiens ad ecclesiam, inde extrahi non potest, & n. 2, 3. & 4.
- 5 Quid si reus ligatus à ministris Curiae ad ecclesiam confugiat, vel ab ea blanditijs, aut promissionibus educitur.
- 6 Ecclesia tenetur reo confugiens ad ecclesiam alimenta subministrare, si non habeat unde vivat.
- 7 Non licet Curiae seculari ponere custodes circum circa ecclesiam, nè ad reum alimenta deseratur.
- 8 Reus dum existit in ecclesia non potest de iure damnari ad mortem, vel aliam poenam corporalem.
- 9 Contrarium de consuetudine servatur.
- 10 Ecclesia etià non benedicta gaudet immunitate.
- 11 Eadem immunitate gaudet locus omnis diuini officij, dedicatus auctoritate Episcopi.
- 12 Ecclesia polluta, aut interdicta immunitate gaudet.
- 13 Item Ecclesia diruta, dummodo subsit spes refectionis.
- 14 Eadem immunitate gaudet Coemeterium.
- 15 Item ostium, & porticus coemeterij.